



Шогшо эл, порымиз да гим берг!

41-ше (3429) №,
2019 ий 12 октябрь,
шуматкече.

Будь готов/ ЯМДЕ ЛИЙ

1933 ий 1 февраль годсек лектеш.

0+

Поро кумыл – эн шерге пөлек

Фото-влакым школын архивше гыч налме.



Шүргыял школын «Рвезе тукум» йоча ушемже кажне ийын 1 октябрьште илалше-влакым пайремышт дене саламла. Теният поро пашашке рүжге ушнышна. «Лучики» отряд мотор открыткым ыштыш, а «Алые паруса» отрядысе ўдыр-рвезе-влак саламлымашан почеламутым серышт. Эн ончыч кугу паша опытан туныктышо Владимир Семёнович Афанасьевым саламлышна. Вара Кораксола ялысе коча-кова-влаклан открыткым да роза пеледышым кучыктышна. Пошкудо яллесе илалше-влак нергенат ышна мондо. Южо шонгыен суртыштыжо лийын огыл гын, пөлекым почто яшлыкеш кодышна. Тек коча-кована-влак таза да пиалан лийыт. А самырык тукум нунылан полшаш эре ямде.

Екатерина СЕРГЕЕВА, «Рвезе тукум» йоча ушмын председательже. Морко район.

Конкурс

«Классный журнал» 5–17 ияш йоча да подростково-влак коклаште поро паша конкурсым увертарен. Чылаже 10 номинаций уло. Иктыжым –

«Журналисты добрых дел» тангасым – Печать индустрий предприятий-влакын ушемышт (ГИПП) аклаш тўналеш. Ушнаш кумылда уло гын, <https://www.classmag.ru/dobro2019> сайтыште чыла йодышлан вашмутым муыда.



«Классно быть хорошим!»

Рекламе.

ПОДПИСКЕ

«Ямде лий» газетлан подпискым ышташ лиеш:

- ★ Почто отделенийлаште Индекс – П4696.
- ★ Альтернативный подписке (редакций гоч) Ак – 150 тенге.
- ★ Электрон подписке (89024668399 телефон номерышке оксам пыштыман, yamde_lii@mail.ru адресыш

лўмнердам возен колтыман)

Ак – 150 тенге.

**20 октябрь марте
Подписчикын декадыже эрта.**

Ак – 293 теңгеат 46 ыр.





К.А.ИВАНОВ, Мари́й Эл Республикысе тўвыра, печать да калык-влакын пашашт шотышто министр:

– Мыйын шонымаште, Театр идалык республикыштына нигунам огеш мучашлалт. Российыште театрыш коштмо шот дене Мари́й Эл нылымше верыште шога. Тиде моткоч куандара. Умбакыжат театр илыш тўзлана манын ўшанем.

Ончерым ончыза

8 октябрыште Республикысе сўрет сымектыш тоштерыште «Театральное пространство» ончер почылтын. Тудо Юл кундем федерал округышто увертарыме «Театральное Приволжье» проект почеш ышталтын. Выставкыш 150 утла экспонатым чумырымо: тиде реквизит, эскиз, макет-влак, спектакльа гыч фотографий, сўрет да костюм-влак. Лу художникын пашаштым пуртымо.



Увер

Всероссийский олимпиадын школысо этапше 1 ноябрь марте шуйна. 4-11-ше класслаште тунемше-влак 21 предмет дене шинчымашыштым тергат. Тений Мари́й Элыште икымше гана испан йылме дене олимпиаде лиш.

«Тазалыкым аралымыш» национальный проект дене келшышын, 2019-2020 ийлаште 86 медицине оборудованийым йоча эмлымверлаш налаш палемдыме. Тиде 134 миллион утла тенгеш шуэш.

Увертарымаш

*Редакция узл
Йошкар-Ола, СССР
Вооружённый Вийын
70-ше идалыкше урем,
20-шо пöрт адрес
дене верланен.
Возыза, толза –
вучена!*

Йошкар-Оласе 7-ше номеран школын икымше классыштыже тунемше Оля Бурмистрова (**снимкыште**) выставкыш Настя акаж дене икымше гана толын. Изи ўдырлан Пет Першутын «Кутко сўан» йомакше гыч кутко-влак эн чот келшеныт. «Мари́й вургеман кутко ешым моткоч моторын кельштарыме. Нуно пуйто илыше улыт, ик еш дене келшен илат. Мый Курчак театрыште шуко гана лийынам. Йошкар-Оласе Йоча да самырык-влакын усталык полатышт пеленысе «Посолонь» йоча курчак театрыш коштам. Сандене театр мыланем лишыл», – оила Оля.

Историйым шергалына

Е.ИВАНОВА.

1943 ий 14 октябрыште Собибор концлагерьыште узник-влак восстанийым тарватеныт. 300 утла ег эрыкыш куржын. Концлагерь гыч тыгай тўшка куржмаш икымше да пытартыш лийын. Ты восстанийым совет офицер, военнопленный Александр Печорский вуйлатен. Тудын подвигше нерген «Собибор» художественный фильмым войзымо. Руш-турко сар годым (1806-1812) 1811 ий 14 октябрыште М.И.Кутузовын вуйлатыме руш войска Руцук ола (кызыт Русе, Болгарий) воктене турко армийым кырен шалатен.

Шонаш тарата

15 октябрыште кумдан палыме руш поэт М.Ю.Лермонтовын шочмыжлан 205 ий темеш. Кўчык илышыштыже ятыр почеламутым возен. Шукужо Кавказ дене кылдалтын. Изиж годымак поэт тушто икмыняр гана лийын. М.Лермонтовын почеламутшо-влак шонаш таратыше улыт. Мый тудын произведенийже-влакым куанен лудам.




Настя ИВАНОВА.


Морко, Коркатово.



24-26 октябрыште Мари́й Элыште «Мари́й вургем пайрем унала ўжеш» регион-влак кокласе конкурсулымшо гана эртаралтеш. Мари́й Элын чапшым У Торъял, Морко, Звенигово, Кужэнер, Курыкмари́й районла, Йошкар-Ола, Москва гыч мастер-влак аралат.



«Роза ветров» йоча да самырык-влаклан рўдер 8-11-ше класслаште тунемше-влаклан краеведений дене республиканский олимпиадым эртара. Тудо Театр идалыклан пöлеклалтеш. Тергыме паша кок этап гыч шога. I этап заочный формо дене 14-18 октябрыште лиш. Уверым rv12.ru сайтыште ончыза.



«Спорт глазами детей» йоча сўрет все-российский конкурсын республикысе этапше 1 ноябрь марте эртаралтеш. Тушко 6-11 ияш-влак ушнен кертыт. Уверым mari-el.gov.ru/minsport сайтыште ончыза. Ик автор деч ик паша налаштеш.

Тений Роспотребнадзор, Рособрнадзор, РФ Просвещений министерстве школышто сото телефоным кучылтмо шотышто темлымаш-влакым палемденыт. Нине кагаш-влакым кажне школышко колтеныт. Россий Федерацийын Виктерже йоча-шамычын смартфонштым аралаш лўмын верым кельштараш, тунемшылан ача-ава деке йынгырташ кўлеш гын, йўным ышташ але телефоным «йўкдым» режимыш шындаш темла. Кызытеш темлымаш-влак гына улыт. Школ вуйлатыше, ача-ава, тунемше-влак тиддене келшат мо? Лудшо йолташ-влак, кагашымашке ушныза, шонымашдам возен колтыза.

Телефон – кўлешан арвер?

Ирина Вячеславовна ЗАКИЕВА, туныктышо, Йошкар-Ола:

– Мыйын классыште тунемше-влак урокышто телефоным огыт кучылт. Жап уке, тиддеч посна шуко пайдале пашам ыштена. Йоча-влак ача-аваштлан школыш толын шумышт нерген шижтарат да телефонштым чарат.

Школышто телефоным кучылтмым чараш лиеш, но йогыным ик вере пўялет гын, вес корным кычалаш тўналеш. Мутланен, умылтарен, икойыш шуын пашам ыштыме эн пайдале, шонем.



Галина Степановна ТОБЕКОВА, туныктышо, Кужэнгер район:

– Телефоным кучылтмым чарыме шотышто кокыте шонымашан улам. Ик велым, тиде пеш сай. Уке гын южо тунемше урокыштат, перемен годымат эре телефоным темдыштеш. Такшым урокышто телефоным кучылтмаш пўтынек туныктышо деч шога. Вес велым, мутлан, информатике урокышто компьютер ок сите але Интернетыш чылаж годым лекташ ок лий гын, тунемше-влак шке телефонышт гоч туныктышын пумыо заданийжым шуктат, ешартыш материалым кычалыт. Икманаш, йоча телефоным шонен кучылтеш гын, и туныктышылан, и тунемшылан пайдале ыле.



Катя МАМАЕВА, 5-ше класс, Шернур район:

– Сото телефон кеч школышто, кеч мўнгыштў тунемаш мешая. Тунемшым йогыш колта, йоча-влак шке гыч кычалаш, шонаш ўрканат. Мыят телефоным кучылтам. Изишак мурым колыштам, сўрет-влакым кычалам да моло урокланат вашмутым ончалам. Телефоным школышто кучылтмым чарат гын, сай лиеш, шонем.

Шотыш нал!

1. Сото телефон тазалык-лан энгекым ынже ыште манын, кўсеныште, шўм пелен, шўй воктен нумалман огыл.
2. Мутланыме годым телефоным вуй воктеч корандаш тыршыман.
3. Автобус, машина, поезд дене кудалме годым сото кыл начар улмо верлаште телефон дене мутланыман огыл.
4. Йўдлан телефоным вуй деч 2 метр ўрдыжкў пыштыман.

Наташа СИДОРОВА, 11-ше класс, Татарстан, Мамадыш, Кугу Шия:

– Южо тунемше урок мучко телефон дене модын шинчен кертеш, перемен годымат йолташыже-влак дене ок кутыро. Тудо телефонышто «ила». Тиде сай огыл, но телефон пайдамат конда. Интернетыште кўлеш уверым писын муаш лиеш. Интернет гоч электрон дневникым эскерена, урок деч ончыч правилым ушештарена, йот шомакым кўлеш йылмыш кусарена. Корнышто ача-авалан йынгыртена. Телефоным пайдалын кучылт моштыман.

Наталья АЛЕКСАНДРОВА, Советский район, кок шочшан ава:

– Мыйын шонымаште, школышто телефон нимолан ок кўл. Тудо йочам тунемаш деч лугыч ышта. Эргым телефоным школышко ок нумал. Ме, ача-аваже, тыге кўштенна. Пеш кўлеш гын, вашкылым туныктышо гоч ышташ лиеш, шонем.

Л.ГРИГОРЬЕВА ямдылен.



Таня Ворончихина
Марий Турек
школын индешы-
ше классыштыже
тунемеш. Англичан
да француз йыл-
мылам келгын шымла.
Таня, школым тунем
лекмекеже, уло
тўням ончен савыр-
наш шона.

Е.ИВАНОВАН фотожо.



Ала журналист лиям?

21 сентябрь гыч 1 октябрь марте мемнан школышто журналистике школ эртен. Моско гыч «Кружок» фестивалын енже да «Strelka Mag» журнал редакцийын корреспондентше-влак лекцийым лудыныт. Ме шуко ум пален налынна: кузе статьям возаш, вуймутым пуаш, интервьюм налаш, онгай фотосўретым ышташ. Лу кече ик кече семын эртен каен, чоныштем журналист пашаш ушнаш изи тулым чўктен коденыт.

Тиде курсыш кошташ мыйым авам кумыланден. Изи марий ялыш кунам эше тыгай туныктышо-влак толыт?!

Юлианна ЕРМОЛАЕВА, Марий Турек, Сардаял.





«Ший пўян Ший Пампалчым» лудыт

Медведево районысо яллаште шукунжо рушла кутырат, но ятырынже чылт марий улыт. Руш коклаште марий-влак марий кодыт але рушангыт? Кодыт! Моткоч куандара. Кыдал Озакъял гыч Фёдоровмыт еш – ик эн сай пример, шонем.

Ольга Ивановна ден Игорь Вячеславович кум икшывышт дене пачерыште илат. Ава верысе ФАП-ыште тырша, ача – күртнӧ омсам ыштымаште оператор. Пакчам кучат: паренгым, кешырым, шоганым, ушменым, ковыштам, помидорым, киярым да молымат шындат. «Ялыште илаш сай, юж яндар. Калык поро, йоча-влак изинек пашалан тунемше куш-

Шке жапыштыже тудым авашт куанен лудын. Илен-толын, уныка-влакат тиде йомакым лудаш тўналыт манын ўшаныме шуэш.

кыт. Шке пакчаште шке кид дене куштымо пакчасаскам кевытысе дене от тагастаре. Тудын тамжак весе», – маныт ача-ава. Кызытеш нигогай вольыкым огыт ончо. Чывым налаш шонат – ўдырышт моткоч йодеш.

Йоча-влакын эн Дима, 6 ияш. Пожарный лияш шона. Киралан – 4 ий, врач лийнеже. Ший Пампалче.

Кум икшывышт Г.Н.Петухов лўмеш Озакъял тўналтыш школ пеленысе йочасадыш коштеш. Эн кугужо – Дима, 6 ияш. Пожарный лияш шона. Киралан – 4 ий, врач лийнеже. Степанлан – 2 ий. Ача-авалан шошым кушкыл-влакым шындаш, кенежым вўдым шаваш, шыжым паренгым погаш, кешырым, ушменым лукташ полшат.

Пўртыштат кертмышт семын тўрлӧ сомылым шуктат.

Ольга Ивановнан шочмо Эшполдино Купсола ялышкыже коча-кова дек чўчкыдын кошташ тыршат. Нунылан шудым ямдылаш, кўтўм кўташ, паренгым кўнчаш полшат.

Эн чот мыланем теве мо келшыш. Еш книгагудышто марий книга, газет, журнал-влак улыт.

Х.АЛЕКСАНДРОВА.

Кугу тау

Ешем дене кугешнем,
Ешем моткоч йўратем.
Изаем, ачам, кочам –
Кум пўрєн

уло мемнан.

Изаем латкок ияш,
Пешак йўрата кушташ.
Кушталтен пуа мылам –
Совым пералтем тудлан.
Мыйын ачам поро пеш,
Чылалан полшен кертеш.
Мый ачамым йўратем,
Тудын гай лияш шонем.
А кочамже! Кочаем
Кудло ик ийым темен.
Шочмо элым арален,
Шке ешыжым переген.
Йўраталме кочаем,
Ачаем да изаем,

Кугу тау тыланда
Мый денем

улмыланда!

Элина АЗЕЕВА.
Национальный
президент школ-
интернат.



Ачам дене кугешнем

Ачам Владислав Васильевич Смородинов кум йочан ешыште шочын-кушкын. Тудо изинек пашалан шўмангын. Школышто физике урок эн чот келшен. Школ деч вара шофёрлан тунем лектын. Вара Совет Армий радамыш налын. Куйбышев олаште (кызыт Самара) служитлен, шофёр лийын (снимкыште). Ик ий гыч ачамым ротысо тўн водителлан шогалтеныт: машина-влакым эскерен, ачален. Икана ачам штабын заданийже почеш мўндыр верышке доклад дене куда-

лын. Уда игечым ончыде, пуымо заданийым жапыштыже шуктен. Генерал ачамым мокталтен. Тиде татым ачам эре порын шарналта.

Таня СМОРОДИНОВА.
Шернур,
Лажъял.

Авам – медшўжар

Авамын
лўмжӧ – Наташа.

Тудо Одропсола ялыште шочын-кушкын. Мый авамым пагалем, йўратем, пашам ышташ полшем. Авам латик классым Матародо школышто тунем пытарен. Вара Йошкар-Оласе медколледжышке акушеркылан тунемаш пурен. Шинчымашым налмеке, оласе больницыште кок ий медшўжарлан пашам ыштен. Кызыт Одропсола ялысе медпунктышто тырша.

Полина МАКСИМОВА.

Параньга, Одропсола.



Могай кайыкым ужныныт?

28 сентябрь гыч 6 октябрь марте Кайык-влакым эскерыме тўнжамбал кече-влак эртаралтынныт. Марий Элысе фотосонарзе-влак тиде акцийыш уло кумылын ушненныт.

Марина МАЛИНИНА, Йошкар-Ола:

– Мый кайык-влакым веле огыл, пўртўсын вашталтмыжым эскераш йоратем. Йон да жап лийме семын пўртўс лонгаш лектын коштам. Онай сўрет шинчамлан перна гын, фотом ыштем. Тиде акцийыш ушныде кертын омыл. Кайык-влакым моткоч йоратем. 2 октябрьыште Йошкар-Оласе Ленин проспектысе кўвар гыч



тўналын, Гошто
Энерўмбал марте
Изи Какшан сер мучко
эскерен ошкылынам.
243 кугылудым ужны-
нам: 78 узо да 165
ава. 30 сентябрьыште
шуко тўрлў кайыкым
ужынам. Чылаштым
ойленат от пытаре.

Николай ИЛЫН, Звенигово ола:

– 2 октябрьыште Звенигово ола деч 5 километр ордыжтў верланьше ик пўяште 42 йўксым, 8 колкоракам (чайка) ужнынам. Нунын койышыштым эскераш да йўкыштым колышташ онай ыле.

Х.АЛЕКСАНДРОВА мутланен.



Чевер саскан пушенге

Кожлаер ялем воктене тўрлў пушенге кушкеш. Мыланем пызле утларак келша. Шошым ош шовыр дене вўдылалтеш. Тушто пашаче мўкшыжў мыняре?! Кечыгут чонештылыт, ызгат, мўйым погат. Пызле вигак йошкаргаш огеш вашке: шекланен чеверга. Тунамже кайык тўшка ты пушенгеш веранеш: пызлыгичкым чўнга.

– Пызлыгичке тазалыклан пайдале. Уныкам, ала тыят поген толат? Тений пеш шуко шочын. Орат, пызлыже тынар нелытым кузе чыта? – мане ик кечын ковам.

Мыят ял воктенысе чодырашке ошкылым. Икмыняр жап гыч лынак пызлыгичкым поген толым. Ковайлан ончыктышым.

- Молодец, – ыштале ковай. – Таужым ойлышыч?
- Каласенам, – вашештышым.
- Пушенгат айдеме гай. Поро шомакым шижеш, – иктешлен каласыш коваем.

Яна ДМИТРИЕВА.

Морко район.




Полина КУШАКОВАН сўретше.

Волжский, Пўтъял.

Марий Элыште «Сохраним лес» акцийыш 300 утла ег ушнен. Нуно 5 гектар мландеш 18 тўжем пўнчў озымым шынденыт.

Акций



«Кажне пагыт шке семынже мотор», – маныт калыкыште. Мыланем шыже келша. Пушенге-влак тўрлў тўсан тувырым чиен шогалыныт. Южышт ужаргак кодыт. Мый лышташ-влакым погышым да тебе тыгай вуйпыдышым ыштышым.

Надя ВОЛКОВА.

Шернур, Лажъял.



Марий Элыште «Лес Победы» экологий да патриотизм акций эрген. Тудо Кугу Ачамланде сарыште сенымылан 75 ий теммылан пўлеклатын.

Марий Элысе МВД-н пресс-службыжо.

ПОДПИСКЕ – 2019



Кугыза илыме кудышкыжо толын пура.

Ўдыр налаш каена,
Ший пүянлан шунена.
Чеве тылзе-моторетым
Налылдалаш каена.



Пампалче ший пүешыже кож кишым шүра, сумкаш «Ямде лийым» пышта да такыр корныш тарвана.

Латкок ведра пүрына уло,
латкок ведра аракана уло.
Ший пүян Ший Пампалчым
налдалаш каена.



Ўдыр-влакым вашлиеш да нунылан «Ямде лий» газетым кучыкта.



Ынде рвезе порьен кашакым вашлиеш... Нуныланат «Ямде лий» газетым кучыкта.



Шонго кувам вашлиеш.

Тўналтыш – 38-ше номерыште. Умбакеже лиеш.

Ший пүян Ший Пампалче воштыл колта: ший пүйжө гыч кишыже велалт кая. Вүдкува Пампалчым пален налеш. Пампалче Вүдкувам шүкал колта да куржаш тўналеш.



Чодыра покшеч меран лектеш.



Пампалче кугу пүнчө вуйыш куштылгын күзен кая. Вүдкува пүнчым руаш тўналеш.



Ший Пампалче, курык вуйыш ончен, акажым мурен сөрвала:
Ой, акаем, акаем!
Порсын лўнгалтышетым колталал!
Вүдкува мыйым кучынеже,
Изирак эргыжлан наҗгайынеже.




Меран руалшыла коеш да товарым ерышке кудалта.




Пампалче тидлан чот куана да пүнчө вуй гыч меранлан «Ямде лий» газетым кудалта...

Ф.ЛЕБЕДЕВА сүретлен.



Ик пистыште – ныл кайык пыжаш.

Күтүштө



Кенеж мучко мемнан ялыште шым ушкар, кок туна да ик үшкыж күтүш коштыныт. Садлан ик вуйлан кок кече күташ логалын. Кажне кум арня гыч мемнан черет толын шуын. Мый күтүшкө кечываллан кова дене миенан. Кас марте тушто лийынам. Коча дене пырля костёрым ыштенна, кутыркаленна, мый солам лупшаш тунемынам. Кас шумек, волькым ялыш поктен пуртенна.

Всеволод НИКИТИН.

Кужэнгер, Шүдымарий.

Шотыш нал!

Иктаж-мом шарналташ кўлеш



– лабиринтым сўретле.

Ўшаным йомдаренат – корным сўретле.

Вий-куатым пеш писын ешарынет – пейзажым сўретле.

Чап лўмышт курымаш

Туныктышо-влакын профессионал пай-ремыштлан пўлек-лалтше «Мый да шочмо йылмым туныктышем» республикысе йоча усталык конкурсыш ушнышо кажне тунемше шке туныктышыжо нерген лач тыге кугешнен ойлен. 3 октябрьыште иктешлыше п а й р е м ы ш Республикасе йоча да самырык-влаклан В.Колумб лўмеш книгагудыш тўрлө район да Татарстан кундем гыч тунемше да туныктышо-влак погыненыт. Йоча-влак почеламутым лудыныт, мурым муреныт, сылнымут да мурсем монтажым ончыктеныт.



Конкурс гыч тўрыс уверым да фото-влакым https://vk.com/yamde_lii тўшкаште ончыза.


Снимкыште: Эмиль Антипов (Татарстан, Арск, Шурабаш).

Л.ГРИГОРЬЕВАН фотожо.

1. «Ўдыр кушты-мо курык» – тиде... Тест

- А.Преданий Б.Легенде В.Йомак
2.Тиде произведенийым кө возен?
 А.Н.Мухин Б.В.Мухин В.М.Казаков
3.Автор мариь калыкын могай йўлажым ончыктен?
 А.Отышто кумалмашым Б.Ўярня пай-ремым В.Морко сўаным
4.Кө ўдырым налын?
 А.Имне торговой Элымбай
 Б.Сонарзе Элымбай В.Колызо Элымбай
5.Пондаш Пўтыр кө тыгай?
 А.Качымарий Б.Сўанмарий
 В.Сўанвуй
6.Кок сўаным кредалмаш деч кө чарен кертын?
 А.Пондаш Пўтыр Б.Имне торговой
 Элымбай В.Орьен
В.СМИРНОВ ямдылен.

Вашмут: 1-Б; 2-В; 3-В; 4-А; 5-В; 6-В.



Сўретым чиялте.

Индекс: П4696.
 Тираж 1150 экз. Заказ
 Формат – А-4-8.
 Тўн редактор
 Л.В.СЕМЕНОВА.

https://vk.com/yamde_lii
https://ok.ru/yamde_lii
 E-mail: yamde_lii@mari-el.ru,
yamde_lii@mail.ru
 Сайтын адресше: yamde-lii.pro,
 Тел. 8(8362) 45-22-82(факс)

УЧРЕДИТЕЛЬ-ВЛАК: Мариь Эл Республикысе культур, печать да калык-влакын пашашт шотышто министерстве, «Ямде лий» газет» кугужаныш унитарный казна предприятий.

Газетым редакцийыште погымо да версталыме, «Мариь Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем,112.

Газетым Массовый коммуникаций сферыште да культур наследиым аралымаште законодательствым шуктен шогымым эскерыше Федеральный службын Приволжский федеральный округысо управленийыштыже регистрироватлыме.
 Номер – ПИ №ФС 18-1999,
 2005 ий 10 февральыште пуымо.

0+ Печатыш пуымо жап – 14-00, фактически – 13-00

Авторын да редакцийын шонымашышт тўрлө лийын кертыт. Серыш-влак мўнгеш огыт колталт. Ак – кутырен келшыме почеш.

Редакцийын да издательын адресше: 424006, Йошкар-Ола, СССР
 Вооружённый Вийын
 70-ше идалыкше урем, 20-шо пўрт.

Конкурс

Изи ПОНГЫЗО



Пөлек тендам редакцияшыште вуча.


https://vk.com/yamde_lii группышто йўклымаш почеш Волжский район Руш Шайра ял гыч **Алана СЕМЁНОВА ден** изаже сененит. Художественный редактор Ф.Лебедев ан аклымыж почеш, Шернур район гыч **Настя ДМИТРИЕВАМ** редакцияш посна палемда.

☺ Полироватлыме мебельыште удьралалтме палым йолчиемыш йыгме крем дене (келшыше тўсан) петыраш лиеш.

☺ Воштончышым эрыкташ одеколоным але спиртым кучылытын кертыда.



Тыште чылаже мыняр тре-уголь-ник?



Синк-вейн

Шыже Мотор, шөртнө. Кундемаш чинче пагыт толын. Куандара, модыкта. Идым. **Кристина ЗОРИНА. Морко, Эгерсола.**



Шыже пүртүс

Шыже мландынам авалтыш, Тудо чинчыжым шавалтыш. Йырым-йыр волгалте тўс, Ужыда, могай пүртүс? Ончал тўткынак куэм, Шыже балышке вашка. Ойлен ок пытаре куаным. Лышташлам эркын-эркын шава. **Н.ГОДУНОВА.**

Йошкар-Ола.

34	-	34	+	48	=	
-		+		-		+
34	+	21	-	16	=	
+		-		+		+
34	-	1	+	11	=	
=		=		=		=
	+		+		=	

Тушто

Эрат-касат Тали курык.




Тўжем иза-шольо улына, пызырен ойыраш төчат гынат, огына ойырло.

Интернетысе сүрет-влакым кучылтмо.



9 ойыртемем кычал.



Кө эн тале математик?

Бамбукым кочшо пандым кычал.

Эн весела пандым му.

Могай панде зарядкым ышта?

